

虛雲老和尚
法彙要集
見聞事略

佛陀教育基金會 印贈

目錄

虛雲和尚法相……………三

目錄……………五

壹·虛雲老和尚法彙要集

序……………一

原序……………三

法語……………五

開示……………一二二

書問……………一八三

文記……………二二五

貳·虛雲老和尚見聞事略

卷頭語……………三二七

緒言……………三二九

一、誕生瑞相……………三三三

二、發心出家·····	三三四
三、行腳參方·····	三三六
四、朝五台山以報父母恩·····	三三八
五、參謁各方名勝古蹟·····	三四三
六、重遊江浙·····	三四五
七、至寧波育王寺拜舍利燃指以報母恩·····	三四七
八、終南山入定·····	三四九
九、重興雲南雞足山·····	三五—
十、重興福建鼓山湧泉寺·····	三六八
十一、重興曹溪南華寺·····	三七三
十二、重興曲江乳源雲門大覺禪寺·····	三七六
十三、重興江西雲居山真如寺·····	三七八
十四、虛雲老和尚遺訓·····	三八二

虛雲和尚法彙

序

虛雲大師。以百載光陰。盡瘁傳化。其事震爍中外。今古倏虛久仰。道風幸獲親近。追惟芳躅。攬茲世變。又何能已於懷。大師其入佛境界。行菩薩行者耶。聖法毗奈耶一法不取。法法成佛。若非親符此境。其何能繁興萬行。雖被大功德鎧。而成無所成。雖成無所成。而無成之化。化化無極。薄海同倫。誰能外此恩德。師先代興聖國師。世傳有聖箭令譽。今師躬臨大難。而不循他家通霄之路。亦不感於失殿離宮。可不謂之爲道精純。而臻化境也哉。豈特五家綱宗。藉以振起。而整個佛法。胥賴撐扶於不墮。吁。誠偉矣。按師生平所著諸經義疏。悉遭世變散失。茲書僅集法語。書問。散文。詩集。宗源。祖贊。各篇暨師之一生化跡。以及各家贊頌。追思。紀念等文。整體鉅觀。綱宗燦列。讀法語。啓示諸篇。俾知夫宗門雖玄。而側擊旁敲。疏導啓發。尚非無津涯可入。其有功世道。詎可限量。蓋師之吐屬。一一發自胸襟。蓋天徹地。觀其斥宗教之互諍。而尊護群經。嚴宗門之家風。而慎於記莭。佛祖言教。收來如珠走團圓。公案精

微披剝如犀分歷落。又以法運不振而魔強。戒行不嚴而法弱。歷主名山。戒法爲重。此又觀其同戒錄諸作。可概見矣。方今法運垂秋。人心陷溺。而世變亦日亟。茲書一出。倘能喚起大眾。自審本分。各顧腳跟。則教乘宗乘。同是滋茂發皇。各當時機。共相舉發。行見慧日出而灼火消。大光明而世運轉。不然。則舉世屬望自由自在平等安樂境界。捨共明斯道。其又孰與歸哉。

辛丑孟春 湛山倓虛敬敘於香港中華佛教圖書館

原序

青龍在壬辰之歲。雲門劫後。山陬法物。蕩然無存。吾師虛雲和尚。傷法道之陵夷。慮慧命之斷絕。使其徒向曩日駐錫之東南諸巨刹。網羅散帙。而平生殫力所著之「楞嚴經玄要」。「法華經略疏」。「遺教經註釋」。「圓覺經玄義」。「心經解」。竟不可得。僅繕寫法語詩文少分回。師歎曰。定業也。吾今不復隱秘矣。徇證圓等懇求。乃集諸弟子口述一百餘年所憶及之事蹟。錄爲年譜。並將蒐錄所得之法語詩文序跋等。命學呂編輯。爰集同人。分任繼勘。考訂。附註。撰次爲十卷。另年譜上下二卷。筆始於春初。簡撤於冬暮。名曰虛雲和尚法彙初編。書成。乃爲之序曰。學呂以博地凡夫。瞻仰十地菩薩。但覺其不可思議。非游夏所能贊一詞也。何敢序。以師命故。又何敢違。每於冥心編輯之際。味吾師不可思議之思。隨見隨拈。因月有指。枝中覓本。委上求原。聊此引伸。就正有道。夫諸佛以大事因緣。出現於世。諸祖以續佛慧命。乘願再來。豈惟自了。有大悲大願存焉。悲大故憂之也深。願大故任之也重。吾師於五十六歲以前是自度。五十六歲以後是度人。竊窺其行履。志大氣剛。心堅行苦。故能度生衆而收效弘。歷盡折磨。九死而不死。坐閱世變。有生而無生。至其手建大小梵刹數十。歸依門下弟子中外百數十萬人。此舉世所共知者也。而獨於吾師之重振綱宗。續佛慧命。

有爲世所不盡知者。溯自達摩西來。至六祖而一花五葉。臨濟開玄要之宗。洞山立君臣之義。滄仰發體用之論。雲門示三關之捷。法眼呈六相之分。拈花妙義。大布東方。及後則曹洞專主少林。滄仰則圓相漸隱。雲門於韓大伯後。難見其人。法眼盛於永明。而入高麗。獨臨濟尙存香火耳。元明以降。禪門宗匠。自中峰。楚石。以遞紫柏。憨山。天童。玉琳。屈指可數。獅絃其絕響矣。百餘年後。吾師出世。於鼓山傳法曹洞。兼嗣宗臨濟。中興雲門。扶持法眼。延續滄仰。興滅繼絕。慧日同光。以一身而參與五宗法脈。舍西竺龍樹外其誰耶。學呂特爲拈出。以告後之研求宗乘者。諒爲吾師之所許夫。序書於癸巳元旦。師年一百一十四歲矣。三災過後。佛日重輝。願留寶掌千年。常作人天眼目。慈雲普蔭。法乳同沾。則法彙由初編二編以至若干編。豈止宗鏡百卷已哉。此衆生所共禱者也。學呂淺陋耄耄。彌昏昧。傳燈續錄。有賴後賢。是爲序。

佛歷二千九百八十年歲次第七十八癸巳

鼓山門下弟子順德岑學呂寬賢恭序

越六年己亥秋。師示寂於雲居山眞如寺。事前一月。以近年蒐集之佚稿及弟子錄存之法語遠道見寄。囑付重編法彙全集。其詳具誌年譜中。茲識其顛末於此。

辛丑仲秋學呂再識

虛雲和尚法彙

鼓山門下弟子順德岑學呂寬賢編輯

法語

元旦上堂

玉戶不出。尊客天然。纔涉功勳。墮坑落塹。與其中途受用。何如金殿垂簾。直饒入林不動草。
入水不動波。也是懸崖上走馬。只如君臣道合。主賓回互。敲唱雙行。水乳合同。又作麼生。舉
拂云。九天闔闔開宮殿。萬國衣冠拜冕旒。

元宵

山中正月十五。不是邨歌社舞。都盧本分禪和。不打尋常笛鼓。剔起無相燈光。照破人人鼻
祖。且道燈未明時。光在什麼處。舉拂子云。明暗兩頭俱脫落。一剎那際現全身。

立春上堂

春山疊亂青。春水漾虛碧。寥寥天地間。獨立望何極。大小雪竇見解如此。更買草鞋行腳去。

此間亦有一頌。春山疊亂青。春水漾虛碧。春花爛漫開。春鳥鳴唧唧。且道雪竇是。此間是。試定當看。

四月八日新戒請上堂

今日四月八。皇宮生悉達。九龍噴金軀。萬古香湯潑。僧問。如何是誕生王子。師云。苦瓜連根苦。進云。如何是朝生王子。師云。百城煙水渺無垠。進云。如何是未生王子。師云。窗前勤苦讀。馬上錦衣回。進云。如何是化生王子。師云。橫按鎢錙全正令。進云。如何是內生王子。師云。穩坐金殿裡。笑看雲捲舒。問。指天指地。事已張揚。師云。得人一牛。還人一馬。進云。戒元飯僧。未審和尚還受他供養也無。師云。老僧供養他有份。進云。諸供養中。法供養最。又作麼生。師云。難消滴水。進云。怎麼則財法二施。等無差別也。師云。雨過竹風清。雲開山頂露。僧出云。某甲不問話。請師不答話。師云。早是多事了也。僧禮三拜歸位。師云。作家作家。僧掩耳。師云。適來患啞。今又患聾。僧無語。師云。果然多事。乃云。周昭甲寅四月八。淨飯王宮生悉達。纔出胎來。便捏怪。指天指地阿喇喇。攪亂大千世界人。盡向餠餅裡討汁。更有雲門跛腳師。頓教一棒要打殺。把髻投衙可憐生。大似普州人送賊。雖然一塵不立。野老安恬。是則固是。祇如門庭施設。國家興盛。又且如何。謝公財施兼法施。選得戒元勝狀元。

結夏

禁足安居。乃如來之儀軌。識心達本。是釋子之行門。道在人行。功由日進。茲者四月十五。適當我佛結夏安居之辰。雲集僧衆。登臨寶殿。諷演秘章。結起期制。自今以後。發十願。起三心。開明智性。報四恩。拔七趣。消滅障緣。受持佛號。存想聖容。不得冒熱遊行。傷害生命。稟七支之戒。皎如冰霜。持三律之儀。淨無瑕穢。定水澄清。慧日朗照。內契眞源。外敷梵行。長般若之靈苗。成菩提之妙果。由此法門隆盛。海衆安和。天龍擁護。人物欽崇。

端節上堂

五月五日午時刻。百草煎膏除瘡結。雄黃白酒徧處灑。毒蟲穢氣皆消滅。世人如是慶端陽。衲僧將甚應時節。聊以拄杖弔中堂。超勝判符插門楔。諸仁者。且道拄杖子甚麼處超過判符。若道超不過。何以如此說。會麼。若道不會。請拄杖子自己造報。任他鑼鼓喧天。龍船飛渡。也是本地風光。靈明獨露。不動道場。憑你艾線榴紅。角黍斗大。無非祖師西來意。若也會得。任運度日。隨緣行化。如或未然。肚飢三碗粥。渴來一杯茶——請

七月十五解制

九旬禁足。三月安居。聖制告圓。衲僧分上事作麼生看。靈山垂運慈悲。目連神通救母。幸得

諸佛歡欣。赦拔冥中罪苦。且道千古聞名。如何取則。僧問。罪性本空。赦個甚麼。云。爲有這個在。進云。恁麼則有罪也。云。有。進云。還許懺悔也無。打云。冤家解脫。問。從天降下。即不問。就地還鄉。事若何。云。寒巖枯木逢春秀。進云。正恁麼時。如何。云。帶雪松枝色更新。問。如何是人中境。云。鐵蛇橫古路。問。如何是境中人。云。踏著兩頭忙。進云。人境俱忘時。作麼生。云。腳根下好與三十棒。乃云。德山棒。臨濟喝。雲門餅。雪峰杓。禾山打鼓。木人奏樂。人人有分。個個摸索。頭角崢嶸。天清地濁。眼光電掣。口傾山嶽。正恁麼時。如何注腳。喝一喝云。斬卻南泉死貓頭。救得趙州狗子活。

師誕日大衆設齋請上堂

問。鐘鼓交參。人天普集。師登寶座。說何法要。師云。一朵紅雲擎寶蓋。進云。有何利益。師云。半空鐘韻落天花。進云。恁麼則佛祖歸宗。人天瞻仰。師云。聾者不聞其音聲。盲者不覩其文彩。問。纔登戒品。便踏佛階。是如何。師云。法海汪洋。何處躡足。進云。乞師引導。師云。千鈞之弩。不爲鼯鼠發機。進云。弟子退身有分。師云。向你道沒處躡足。問。輕煙籠皎月。薄霧鎖寒巖。如何是禪定。師云。銀疉盛雪。明月藏鷺。進云。撥開雲外路。翻去月明前。如何是般若。師云。茅戶挂珠簾。龍樓鋪草座。進云。莫行心行處。不挂本來衣。如何是解脫。師云。誰有單于調。換取假銀

城。問。得。之。於。心。伊。蘭。作。栴。檀。之。樹。失。之。於。旨。甘。露。迺。蒺。藜。之。園。如。何。是。戒。師。云。信。步。入。荒。草。忘。卻。長。安。路。進。云。如。何。是。定。師。云。百。花。叢。裡。過。一。點。不。沾。身。進。云。如。何。是。慧。師。云。信。受。奉。行。僧。禮。退。師。乃。云。此。一。段。大。事。汝。若。信。得。及。解。得。徹。纔。登。戒。品。便。踏。佛。階。戒。定。慧。信。受。奉。行。便。得。銀。盤。盛。雪。明。月。藏。鷺。茅。戶。挂。珠。簾。龍。樓。鋪。草。座。佛。祖。歸。宗。人。天。瞻。仰。汝。若。信。不。及。解。不。徹。法。海。汪。洋。何。處。躡。足。禪。定。般。若。解。脫。大。似。輕。烟。籠。皎。月。薄。霧。鎖。寒。巖。單。于。調。換。取。假。銀。城。聾。者。不。聞。其。音。聲。盲。者。不。覩。其。文。彩。只。得。退。身。有。分。雖。然。如。是。因。齋。慶。贊。一。句。作。恁。麼。道。——
一。朵。紅。雲。擎。寶。蓋。半。空。鐘。韻。落。天。花。

中秋節上堂

中。秋。雲。散。月。空。懸。海。衆。同。參。問。祖。禪。赤。腳。頭。陀。無。個。事。橫。拈。白。棒。打。瘋。癲。問。牛。頭。未。見。四。祖。時。如。何。云。世。情。偏。向。有。錢。家。進。云。見。後。如。何。云。仁。義。盡。從。貧。處。斷。進。云。即。今。響。答。莫。妄。想。問。參。禪。念。佛。貴。脫。生。死。生。死。到。來。如。何。迴。避。答。不。用。念。佛。參。禪。再。進。云。不。用。念。佛。參。禪。如。何。抵。敵。打。云。扶。籬。摸。壁。漢。乃。云。今。日。中。秋。節。一。輪。光。皎。潔。自。從。威。音。來。古。今。無。欠。缺。——會。麼。

冬至小參

魯。史。書。五。雲。漢。宮。添。一。線。六。陰。剝。落。盡。一。陽。喜。來。生。天。地。否。變。作。地。天。泰。小。人。道。消。君。子。道。

長。諸佛子。未得個入處。須覓個入處。已得個入處。亦須陸沈衆中。不露圭角。過了五九四十五。春雷一震。——轟隆。——躍過龍門。自然驚天動地去也。

除夕法語

臘月三十日到來也。諸仁者。腳跟下事作麼生。汝等須知。人人本具。個個圓成。所以道。行住坐臥。不離這個。若或不識。當面錯過。三世諸佛。也是這個。歷代祖師。亦是這個。天下老和尚。只是這個。乃至鱗甲羽毛草木昆蟲。無不承這個恩力。諸仁者。還會得這個麼。若會得眉毛依舊。其或未然。年來更有新條在。惱亂春風卒未休。

光緒二十四年戊戌在寧波崇壽寺

七塔寺佛誕日請上堂

陞座。

拈香畢。歛衣就座。上首白椎云。

法筵龍象衆。當觀第一義。執拂子云。

年年有個四月八。人人盡

道生悉達。惹得雲門不肖兒。白棒無情要打殺。且道釋迦老子過在什麼處。雲門意作麼生。衆中還有檢點分明者麼。僧問。世尊畫蛇添足。雲門雪上加霜。未審和尚如何。師便打。進云。正是雪上加霜。師云。擔枷過狀。問。佛未出世時如何。師云。一簇撩天。進云。出世時如何。師云。四楞著地。僧擬議。師打云。天上天下。惟吾獨尊。隨云。覲面風雷白浪翻。滿盤璀璨寶珍珠。當

機托出難酬價。終不和沙賣與人。上首白椎云。諦觀法王法。法王法如是。下座。

七塔寺講經期齋主請上堂

釋迦如來。此時此刻在拄杖頭。放光動地。宣說大佛頂首楞嚴經。即今諸仁者還見聞麼。若道有見有聞。未離常情。若道不見不聞。又成斷滅。且道如何出此斷常二見去。若會得此事。隨緣度日。任運逍遙。若其不然。借拄杖子通個消息。門前七塔。元是楞嚴。千手觀音。全身佛頂。三聖妙相。豈離密因。正恁麼時作恁麼生。若道有見。楞嚴佛頂密因。是何相貌。若道無見。七塔觀音三聖。俱在目前。將恁麼出得有無二見去。會得即今講經期。主伴交參。盡是修證了義。崇壽寺中。經行坐臥。無非萬行真因。方能上報不報之恩。下化不化之德。今有三寶弟子某來寺進香。遇此開經良辰。植福延齡。請法飯僧。且道慶贊一句。作恁麼道。良久云。榔聲高唱三輪寂。鉢色全含五觀心。

七塔寺講律聽衆設齋請上堂

拈拄杖云。佛慈垂化示三身。開權顯實露天眞。若能言下契斯旨。何必添泉月入瓶。所以昔日盧行者薙髮。受智光律師滿分戒。正謂富嫌千口少。高沙彌知這般事便休。所謂貧恨一身多。今日崇壽七塔寺。四衆雲集。聽講戒經。須知戒性如虛空。持犯非言道。如天普蓋。似地普

擊。富者得之而不驕。貧者得之而無乏。向這裏直下知歸。穩坐沒底船。直達菩提岸。如或不然。五篇三聚從頭說。黃葉金錢君自看。今諸學戒上座等。設齋請法。爲祈戒根清淨。且道即今慶贊一句作恁麼道。良久云。清淨本然。周遍法界。

浙江寧波崇壽寺惟一請上堂法語

寒食來三天。清明去二日。去時爲萬有。歸來復唯一。萬有斯支蔓。唯一迺眞實。寧波橋報恩七塔僧堂前。都與上座相見了也。賓頭盧老比丘。往北俱盧洲抄化也。趨回應齋。沒尾獼猴。無位眞人。各受一分餽。適來雙角麒麟。趁個五蹄白馬。在法堂走一趟。汝等諸人若不見信。問取惟一大師。自然與汝道破去也。良久擊拂子云。誰料金毛獅子子。爪牙不露甚希奇。

示某居士

涅槃心易曉。差別智難明。所以善財童子五十三參。初見文殊。領得根本智。經歷百城煙水。末後參彌勒。彈指樓閣門開。見彌勒與十方諸聖。談唯心識定。差別智慧。現受用身。須知無明實性即佛性。幻化空身即法身。然法身無相。借色身而顯現。如當人一念差別。便落諸緣。諸緣不昧處。佛眼亦難窺。佛眼既不能窺。且道根本智與唯心識定。又在什麼處。若向這裏見得。說什麼善財五十三參。大法功圓。文殊受記。總不出老僧掌握中參。

光緒廿六年庚子在陝西臥龍寺

閩省文武官員啓建道場九日慶祝慈禧皇太后七旬萬壽設齋請上堂法語

陞座。

拈香祝聖。上首白椎云。

法筵龍象衆。當觀第一義。

執拄杖云。

佛母陀羅尼。佛頂王三昧。亦

名祕藏大總持。巍巍乎莫能形。蕩蕩乎莫能名。天得之以清。地得之以寧。當今聖天子得之。統御金輪。化育萬物。亙古今以彌堅。體乾坤以爲量。仁風沕穆。化日舒長。皇太后得之。含衆德以有餘。育至尊而獨上。優曇現瑞。嘉鳳呈祥。茲則宮中添線。海屋添籌。翊運宣猷。調元贊化。諸公卿恭逢聖節。虔轉法輪。黃閣簾垂。百爾鸞翔虎拜。紫垣扇合。千行鸞序鵷班。彩映璿宮。五色慶雲垂玉露。虹流華渚。九霄紅日映瑤池。正當恁麼時。千官進壽。率土騰歡。仰憑闔城文武官僚。廣宣寶籙。遙瞻天上。敬蒸心香。只如嵩呼頂祝一句。又作麼生道。良久云。普天同慶。萬壽無疆。

光緒二十七年辛丑在陝西臥龍寺

啓建息災法會上堂

陞座。

拈香祝聖。上首白椎畢。執拄杖云。

息災會啓。賑濟宏開。自他咸利。冤親等益。光同日月。量等太

虛。天地以茲爲覆載。日月秉此而照臨。山嶽以之爲崔嵬。江河以斯爲流注。聖賢以斯爲化

育。天人體斯爲感應。陰靈仗此出苦難。冤讎了知得解脫。陣亡橫死明此即超生。佛祖以此宏普化。衆人以斯修濟拔。某某以斯爲方便。今日爲撫院岑公暨全體官紳。啓建法會。諷經禮懺。設齋請法。仰冀諸佛菩薩。垂降禎祥。祈願甲兵休息。旱疫消除。存增福壽。殞早超升。天下太平。民安物阜。卓柱杖云。祇今釋迦如來在柱杖頭上。放大光明。其光清淨。無增無減。光光互映。如寶珠網。塵塵普利。刹刹全彰。無量爲一。一爲無量。小中現大。大中現小。於一毫端。現寶王刹。坐微塵裡。轉大法輪。普利群生。且道即今向甚麼處見如來轉大法輪。若向柱杖頭上見。未見在。若向妙寶華王座上見。亦未見在。既不如是。畢竟如何見。以柱杖卓一卓云。願今得果成寶王。還度如是恆沙衆。即今護法諸仁者。請法飯僧。爲祈所願如意。祇如因齋慶贊一句作恁麼道。良久云。八方霑潤無爲化。四海謳歌賀太平。

光緒二十七年辛丑在西安興善寺

蘇軍門請上堂法語

拈香畢卓杖云。

長安春景實堪誇。來往紛紛盡作家。莫道人天小果異。萬緣普濟福無涯。所以世尊因地中。徧修苦行。利人利己。莊嚴福慧。雖然如是。今日蘇府設齋散臘結緣。與昔日雲門餅。趙州茶。金牛飯。是同是異。若道是異。辜負施主。若道是同。又埋沒古人。即今畢竟作麼